

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در .]

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله بن
یازیلر اعاده اولونماز .

الکتابخانه

دینی ، فلسفی ، علمی ، ادبی هفتلق مجموعه اسلامیة در

صاحب و مدیر مسئول
اشرف ادیب

باش محرر
محمد عاكف

والله يهدي من يشاء الى صراط مستقيم

اتبعون اهدكم سبيل الرشاد

عدد : ۳۶۸

۲۹ ذی القعدة ۱۳۳۶

پنجشنبه

۵ ایلول ۱۳۳۴

جلد ۱۵

اسلامیہ نیک تجلیکاهی اولان بولو حه علوی قارشوسنده شیخ حضرتلری ده
بک مہیج اولمشلردی . اسلامیہ نیک فیض قدسیسی روحلری بودرجه
غلیانہ کتیرمشدی . بی چوللرک اورتہ سندن ، دیکری ہیالابا
طاغلری آرقہ سندن ، اوتہ کی بوزلی صحرالردن ، حاصلی دنیسانک
درت گوشه سندن کلن بو انسانلری بو درجه حسرت واشتیاقلرله
صارماشدیران ، آغلانان ، ہیجان کتیرن رابطہ نه بویوک ، نه الهی
بر قوتدر .

بر مدت استراحت ایتد کدن صوکره شیخ حضرتلری اصطل عامرہ دن
کلن آرابہ لرله طوبقو سرای هایوننده اقامت لرینه تخصیص ایدیلن دائرہ یی
تشریف بیورمشلردر . مشارالیه حضرتلرینک دارالخلافہ یی تشریفلری
بوتون مسلمانلرک قلبلری سرورلرله ، امیدلرله ، اسلامک شانلی خاطرہ لرله
طولودورمشلدر . بو حادثہ عظمائک بوتون اسلام مملکتلرنده
بک بویوک حسن تأثیرلر اجرا ایدہ جکی شہہ سزدر . همان جناب حق
بوتون اهل اسلامی بویله وحدت وسعادتہ مظهر ایتسون .

تقلید سیف مراسمی

امیرالمؤمنین پادشاه اقدمنر حضرتلری آغستوسک ۳۱ نجی
جمعه اترسی کونی محابہ کرامدن ابو ایوب انصاری حضرتلرینک مرقد
شریفلرنده حضرت فاروق اعظم رضی اللہ عنہ حضرتلرینک سیف
مبارکلری قوشاشمشلردر . اجرا اولان مراسم فوق العادہ پارلاق
اولمشدر . موکب هایون دارالخلافہ یی نشوہلر ، سرورلرله طولودور-
مشدر . ہلہ تقلید سیف وظیفہ مہجلہ سنک سید احمد سنوسی حضرتلرینہ
تودیی بک زیادہ حسن تأثیرلر اجرا ایتمشدر . بونک سائر ممالک
اسلامیہ دہہ عظیم نمونیلر تولید ایدہ جکی شہہ سزدر . ذات شاہانہ لرینہ
قارشو مسلمانلرک قلبلرنده ذاتا موجود اولان احترام و محبت بو وسیلہ ایلہ
العلوی درجه سنہ بو کسلمشدر . صورت اجرایی یومی غرتہ لر طرفندن
اوزون اوزادیہ تفصیل ایدیلن بوراسمہ معظمہ روشن اشرف بک
اوغامنر طرفندن بک پارلاق بر صورتہ تصویر ایدلدیکی ایچون بر
قسمتی عیناً اقتباس ایدیوروز :

* اطرائی کتوم رنگلی ، بیاض و پنبہ چیچکلی چیلیر ، نارین
مرمر ستونلر ، یاییق رواقلرہ نفیس اویملی اسکی طونج پارمقلر
صارمش تربہ میداندہ کونشک سیرینہ کورہ آغیر آغیر قیبرداشان
کولکلر آراسندہ صیرمہلر ، چوخہلر و مرصع نشانلر کیتدیکہ
کشیفہ شیوردی .

وکونش دوغماندن اؤک کذرکاھنہ نظیر سزرنگلردن نصل برحشمت
صحنہ سی حاضرلارہ ، تربہ نیک اوکندہ شہزادہ لردن ، وزیرلردن
ومشیرلردن بررنک وعظمت طوفانی بیریکدی . نہایت پادشاه قدومہ
حاضرلاناں - بو صحنہ نیک اورتہ سندن برکونش کی دوغدی . اونک

ایدنلرہ یاردیم ایتیکز . خلافت اسلامیہ نیک رایت اتحادی آلتندہ
طوبلانیکز . دولت خلافت درت عصردن بری موجودیت اسلامیہ یی
صارصیلماز بر متانتلہ مدافعہ و بوشانلی مدافعہ سایہ سندن دین اسلام
محافظہ موجودیت ایتکدہ در . آرتیق قالیکنز ، دینکزی و دولتکزی
مدافعہ ایدیکز . شریعت اسلامیہ یی صیانت ایلکنز ، حیات و ناموسکنز
اوغرنده فدای جان ایلکنز . تاکہ دولت علیہ من بو محاربہ دن مظفر
چیقنجه او وقت ایستہ دیککنز اصلاحاتی طلب ایلر و طلبکنز بحق
اولدینی تقدیرده بتون مسلمانلر سزی تأیید ایدر . کوریورمکہ
بعضیلرکنز اجیلرک دسیسہ لرینہ اقتیاد ایلہ مواعید کافرہ لرینہ
الدامشکنز . اویله ایسہ هایدی انکیزلردن ، مصردن چیقمہ لرینہ ،
ایتالیانلردن طرابلسی ترک ایتہ لرینہ ، فرانسلردن تونس ، جزایری ،
فاسی اسارتدن تخلص ایتہ لرینہ طلب ایدیکز . طلبکنز اسعاف
ایدلدیکی تقدیرده او وقت دیہ جک یوق . یوقسہ ایسہ اقتران ایتہ یین
مجرد سوز مردوددر .

وسیع المذین ظالموا ای منقلب یلقبون . وان الله لا یصلح عمل
المفسدین . والله لا یهدی کید الخائنین . والسلام علی من اتبع الهدی .

شیخ احمد سنوسی حضرتلرینک تشریفلری

دارالخلافہ یی تشریف ایدہ جکلرینی کچن هفته یازدیغیمز شیخ
احمد سنوسی حضرتلری جمعه کونی مواصلت بویورمشلردر . مراسم
استقبالہ بک پارلاق اولمشدر . استاسیون بناسندہ بویوک ہر غلبہ لک
واردی . ذات حضرت پادشاهی ، ولی عہد حضرتلری و حکومت
نامہ متعدد ذوات بولونقلری کچی مختلف اقوام اسلامیہ یی و مملکتہ مرک
محافل عالیہ سنہ منسوب متعدد ہیئتلر ، برچوق ذوات دہ کلشلردی .
شیخ حضرتلرینک سویملی ، مبارک سیالری کورونور کورونمز بوتون
روحلری بر ہیجان قابلا دی . انور پاشا حضرتلری مشارالہک
اللرندن اوہرک مریدیوندن ایندیردیلر . شیخ حضرتلری دہ بالمقابلہ
غایت صمیمی بر صورتہ انور پاشا حضرتلریلہ بر قاج دفعہ لر مضافہ ایتدیلر .
بعده رسم سلامی ایفا ایتکدہ اولان عسکری تفتیش بویوردیلر .
مشارالیه حضرتلری بیاض بر اہرامہ بورونمش اولوب باشلرنده
صیرمہ لی بر عقال بلندہ ذات شاہانہ طرفندن اهدا بویورمش مرصع
برقیلیج واردی . بشوش و نورانی سیاسی بوتون مستقبلینک کوکلرینی
شطارتلہ طولودورمشدی . شیخ حضرتلری امرای مجاہدیندن سید
محمدالزاری تعقیب ایتکدہ ایدی . عسکرک تفتیشی متعاقب اورادہ
بولونان ذوات و ہیئتلر کمال تعظیم واشتیاقلہ مشارالہک اللرینہ ،
اتکالرینہ صاریلدیلر . ہر کس بر ہیجان ، بضرلری کندینی ضبط
ایدہ مہرک آغلایور ، اوتہ دن ہندلی مسلمانلر مہیج و یوکسک
سسلہ «السلام علیکم ، السلام علیکم !» دیہ باغیربیور . وحدت

عظمتی تجلاسی قارشینده دنیوی هر بویوکلک کوچولدی، اونک دیدارلره کوزلر قاماشدی. هر پارلیاتی اونک حضورنده سلیکلهشدی، هر سس اونک سسی اوکنده قیصلدی.

اوموزنده محمود عدلینک حارمانیه سی ییچینده یاقه سی صرمه داللی کوموش واوزون بر پله رین وبلنده یاوز سلطان سلیمک بیاض صابلی کنیش و قیوریق قیلیچی واردی، صاغنده صولنده طاشیدقلری کوموش بخوردانلردن توتن بیاض دومانلر خیالی برر طوغ نارینلکیله چینیلره وچنارلره دوغری صاورولویوردی. هواده فیسکه فیسکه غیر وعود قوقولری دولاشیوردی.

خلیفه نك اطرافنده شهزاده لرله یاورلرندن، وکلاسیله وزرا سندن بر آلتون هاله تشکل ایتدی. صانکه ابا ایوب انصاری تربه سنک اشیکنه بر پارچه ایشیق وورمشدی. کورونمز لرله سینمش کوکر جین سسلری بوسکونک اورتیه سنه اوزاق یایغین ذکر صدالری دوکیوردی. تربه نك دار قابوسندن دیشاری نه کوزل برمسک قوقوسی کی مؤثر قرآن آهنگلری اوچیوردی. قویو ماوی زمینلی چینیلرک اوکندن بیاض برنوزیله دینچ براسمرک، آلدن کی عصای، آشینمش مرمرلره خفیف خفیف دو قوندورارق برایکی ادم آتدینی کورولدی. «شیخ احمد سنوسی» دیدیلر. چوللر اورتیه سنده اولاشیلماز برواحه کورمش کی هیجانلی و مطیع برادا ایله خلیفه نه یاقلاشدی. اوزاق و صیجاق دیارلردن اونی بوسرین و ساکن کوشیه قدر قوشدوران قونک قلمله آکلاتیلماز علویته بیاض اهراملی وجودی جانلی و بلیغ بر تعبیردی. یاننده چلی اقدی، سیاه جبه سنک کنیش یکلری کوکسندن دوکوله رک اوزون سک سنک آلدن بونی بوکوک، درمانسز بر پروانه خفیف لکیله چینیلره سورونه سورونه یورو یوردی. پادشاه شیخک و جلدینک جزمتلرینی صمیمیتله قبول ایتدی. علماسنی، شهزاده لرله وکلاسی ایچرویه دعوت ایتدی.

واو ضیا عالمی تربه نك لوشافنه دولدی.

کندیسی، ایچریکی قابونک صاعنه قونمش صیرمه دال ایشله مهلی بر بیاض مندرده استراحت بویوردی.

صاغنده ولی عهد و شهزاده لر، صول یاننده چوللرک شانلی، نفوذلی شیخی، شیخ الاسلام، چلی اقدی و وکلا، اراده سی اوزرینه او طور دی. مؤثر قرآن انغمه لری، دولو تربه نك سس سز، یاری شفاف دهلیزلرنده جوشدی، کسیددی، اوزادی، فیصالدی، یاندی، سونو کله شدی، دیندی. بونی شیخ سنوسینک بردعاسی تعقیب ایتدی نهایتسز صاری مسافه لرک براق افقرینه باقا باقا اللهک بویوکلکنی، محمد دینک قدسیتی، خلیفه لکک صار صیلماز قدرتی دیندار اعتکافلرینک ایللیق محرمیتنه معنوی بر آغاج کی اعتنا ایله بویوتمش دینچ و سه و عملی شیخ اوقدر هیجانلیدی که ... صاغ الی بیاض کوکسنده یارالی

برقانا د تلاشیه چیرینینور، سسی همالی برخسته کی کسلیوردی. قدمه قدمه ایلریله بن بو ضیا مرحله سنده ابا ایوب انصارینک کوموش پرمققلرله چه وزیلی صرقدی اطرافنه قوندی، سیاه چوخه لرک اوستنده چیکلکلری بوغولمش صاری صرمه لر کوموش قانوسلردن دیشارینک ایشیقاری آزار آزار داملا یوردی.

شیخ، پشیل اطلاس اورتولی بر اوراق کرسیده دوران، داملا داملا التون بنگلی، اوچوق پشیل. قطیفه قابل قینده محفوظ کنیش و مبارک قیلیچی آلدی. فاروق اعظمک الی سورولمش امانتی، بر مقدس امله قاوشمش کی قوجاقلادی. اوپدی، اسمر آلتنه، پارلاق سیاه کوزلرینه، خفیف سیاه صاقللرینه سورودی. وضو کره پلدشاهک آلماسلرا ییچنده برلدا یان کوکسنه آلارینی حرمتله خفیف خفیف سوردرک قلیجک ایجه قورده لالرینی اوموزینه ییچیدی. خلیفه نك کوکسنه دوغری اکیلش دورارق «سوره فتح» ی فصیح و مؤثر اوقودی. خشوع، بو قرآندن بشقه هر سسی بوغمشدی.

خلیفه، شیخله طائشیدینی ایچون پک نمون اولدینگی ودها بعضی شهر یارانہ التفاتلرینی نقیب الاشرف واسطه سیله بیلدیردی، خلیفه نك مسافری هر کله یی بر مرید تواضعیه الی کوکسنده برلره اکیلرک دیکله یوردی. اوراده شهزاده لر، وکلا پادشاهه تبریکلرینی عرض ایتدیلر و سلطان محمد خان قوشاندینی قیلیچی اوپوب باشنه قویدقدن صوکره بنه کرسی به بیراقدی و افلاطون بر سجاده یه دوغری یورودی دنیانک هر عظمتی حضورنده اکیلتن دینک ال قدسی آنلری باشلادی اخلیفه یله ولی عهد ابا ایوب انصارینک روحه پناه اولان بوردی، بلکه جدرینک آلین قویدقلری عینی بره سجده ایتمک ایچون نمازه طور دیلر. تربی قوشاتان ضیا، سس سز بر جریان خالنده آغیر آغیر دیشاری نه آقدی. خلیفه یله ولی عهد حضور التهدیه بالکنز قالدی.

جمعه ایرتسی: ۲۱ آغستوس ۱۳۴۴

تشکر

حصار دره امامی مصطفی عاصم و قره غول قوماندانی حسین عون اقدیلر:

رساله مزک نشر و تعمیمی خصوص سنده لطفاً ابذل بویورولان همت علیه لرینه بالخاصه تشکرلر ایدرز.

تصحیح: — کچن ۳۶۷ نومرولو نسخه مزک ۵۷ نجی صفحه سنک نهایتنه عائد اولان آلتی سطر یا کشفله ۵۶ نجی صفحه نك نهایتنه قونمشدر. اوکا کوره تصحیح بویورملرینی قارئین کرامدن رجا ایدرز.